



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ars Bonæ Mortis. Sive: Quotidiana Erga Sanctissimam Dei Matrem Mariam Pietas

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, [ca. 1708]

XVI. Januarii.

[urn:nbn:de:hbz:466:1-50961](https://nbn-resolving.org/urn:nbn:de:hbz:466:1-50961)

B. Gratia tertii Ord. S. Francisci de Paula inde singulares à Deipara favores merita ; quòd hujus virginitatis imitatrix eam DEO, ejusque Matri voti Religione sacraverit. Ad fuit illi sæpius , uti & decretorio mortis die, ubi stipata Cœlitum & Angelorum choro virgineam ejus animam ad JESU sponfi thalamum deduxit. *Ex hist. ord.* Non est tutior ad cœlum semita, quàm via lactea.

O B. Gratia! gratiosa Deiparæ filia, mihi apud tuam, meamque Matrem Mariam gratiâ plenam, id favoris impetra, ut Filii ejus gratiam ita dignè æstimem, ne ullo eam unquam peccato perdam, sed ejus meritis, & piâ intercessione cum gratia finali moriar. O Sanctissima Dei, & mea, Mater pretiosissima! ego N. indignissimus filius tuus ex toto corde, omnibusque tam corporis, quàm animæ viribus &c. *fol. 2.*

Ad quod impetrandum: Familiarem mihi illam, hodie præcipuè, precatiunculam faciam: Per Immaculatam Conceptionem, & intemeratam virginitatem tuam, ô purissima Virgo emunda † cor † corpus † & animam meam.

Unam, & te solam, ô Virgo pro nobis fate-mur esse in cœlo sollicitam. *S. Bonav. in Spec. c. 6.*

Quæstio : An Deipara adhuc in utero materno existens merita sit, gratiæ & meritorum augmentum? *v. Cl. MARIA c. 3.*